

Hanayauyunut Naunaitkutit

Hanayauyuq: Qingaungmi Tullakvighaq Apqutighaqlu

Hanayighat: Qingaungmi Tullakvighamut Apqutighamullu Havaqatigiit (Bathurst Inlet Port and Road Project Joint Venture Ltd.)

Hanayauyunut Unniqtuiyit: Rescan Avatiliqiniqmut Ikayuqtit (Rescan Environmental Services Ltd.)

Iniqvighaat: Taapkua havaaghat iniqtauyughat akunnganit June 22 October 15-lu 2010.

Hanayauyut Naunaitkutait: Taamna havaaghaq Qingaungmi Tullakvighaq Apqutighaqlu hanayauyughanut tughirautilgit tullakvighamik Qingaungmit apqutigaqluni uyaraghiuqvingnit uyaraghiuqvighanitlu Nunavunmi Nunattiamilu taimaa nutaamik 211 km-nik takitigiyumik ukiuraaluk atuqtauyughamik (Naunaitkutaq 1). Havaaghait tughirautinit titiraqhimayut taimaa ihivriuhiyumayut 2010-mi nunanik, tahiqlik imaqliutaniqlu qauyihaghiuqplutiklu pitquyahimagamik naunaitkutaghainik taapkua INAC-kut DFO-kut Ingilratjutiliqiyit Kanatami, Aanniaqtuliyiyit Kanatami, Avatiliqiyit Kanatami taapkualu Pivighaliqiyit Kanatami inirumaplugu taamna Kingulliqaq Avatiliqiniqmit Aktuqtauniagut Titirainik NIRB-kut Avatinik Ihivriuhiniqmut Qauyihautainik havauhighainut atuqlugit.

Havauhighait: Hitamanik imaqliutaniqlu qauyihaghiuqplutiklu havakviliqtuinahuat kuukkat haniani. Talvani ingilratjuhianik imap qauyiharahuat. Imaqliutaniqlu qauyihaghiuqplutiklu hananahuat June-mi munarilugu haqvaat, aulavangniaqhuni auyaq tamaat hiqutinnagu October-mi.

Haqvaq imaukkakpangnialu talvani Qingaungmi munaqtaunahuaq 2010-mi auyautillugu ilirailutik imaukkangniani ihivriutighainik talvani Qingaungmi, haniani tullakvighaup, qauyihaghiuqplutiklu imaqlik.

Nipiit kuinginnaqniit qauyihaghiuqplutiklu umiakkuuqviup haniagut, tullakvingmi talvanilu malrungni qauyihaghiuqplutiklu apqutighap haniani. Katitirinahuat qauyihaghiuqplutiklu upinngaghami auyamilu. Taimaalu, upinngaghami, taamna hilaliqivik taja ittuq tullakvighap haniania ihuaqhaqtaunahuaq.

Hurajjat iniit nunaayaqmunngaqaqtaunahuat naunaitkuhiqtaulutik malighugit kavamaqyuatkut aviktuqhimayumilu kavamait naunaitkutait nauyunut. Nuna ihivriuqtaunahuaq niqighanut naunaitkutighat. Qauyihaghiuqplutiklu mikiyunik nunanik ihivriuhivangniat talvanngat 0-10 cm imaalu 10-20 cm itiyaaqtunik tigumiaqtanik pualritigaqlutik. Nunattaaniklu nauyunit anginiik ihivriuhinahuat atuqlutik 1 kg-mik nunanik itiniqanik nunanngaaqtunik itiniqatut 0-1 m taimaalu 1-2 m itiyaaqtunik nunataat qaanganit qanitqiyaniq nunanik apqutighamut.

Munaqhiyaami aallannguqtunik hanayut mighaanut talvani tullakviup apqutighaplu, imaqlik imaqliutaniqlu imap natianit, imaqliutaniqlu qauyihaghiuqplutik (kingungnit, ahiniklu) iqaluqaqviitlu qauyihaghiuqplutiklu talvani taryuunngittunit (tahiqlutik,

Hanayauyunut Naunaitkutit

quqluqmit, tingmitjatlu iniinit) talvani taryuqmi (Qingauk) hanianilu (Naunaitkutaq 1). Imaqmit katitirinahuat quqluqtunit malruiqlutik June-mi, August-milu.

Iqalliqiviit ihivriuqtaunahuat malruiqlutiklu (June-mi August-milu) taryuilrumi quqluqtunit apqutighap haniani atauhiiqlutiklu (August-mi) tattinit, hurajjat iniinit imaqmiutatlu avatiit. Iqaluit ihivriuqtaunahuat taimaa kuvyakkut, iqalukkanullu naniriakkut, alruyaqtuqtukkut, nanirianullu, iqaghautikkutlu. Uviluit ihivriuqtaunahuat pingahunit nunanit Qingaup haniani havingnik hunaniklu iluliqariaghait naunaiyaqlugit. Ihuuqit ihivriuqtaunahuatqullu apqutighap haniani tattinit niqituqait munarinhuaqhugit.

Halikaaptakkut aullaapagahuat qauyihaqviinut. Tattit imaqmiutallu qanurininganiit, imaqmiutat qauyihaqtauvangniat, iqaluqaqviit ihivriuqtauvangniatlu qayakkut. Pulaapallaaqtailivangniat qauyihaqvingnut kamaqqata anngutighanut. Inuinnaqnik nunamiiqatiqaqniaqtugut ikayuqtiulutik qauyihaptappingnik.

Naunaitkutit: Naunaitkutit qauyihagtamingnit ikayuutauniaqtut Kingulliqaamut Avatiliqiniqmut Aktuqtauniagut Titiqqanut. Naunaitkutit ihuaqutauniaqtut avatiliqiniqmut qauyihagupta.

Tuhaqtittiniq: Tamaita naunaitkutit katitiqtaunahuat talvunga Kingulliqaamut Avatiliqiniqmut Aktuqtauniagut Titirainut hailihimayuniaqtut tamangnut aulapkaiyinut inungnullu.